

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԷԿՈՆՈՄԻԿԱՅԻ ՆԱԽԱՐԱՐՈՒԹՅԱՆ
ՄՏԱՎՈՐ ՍԵՓԱԿԱՆՈՒԹՅԱՆ ԳՈՐԾԱԿԱԼՈՒԹՅԱՆ
ԲՈՂՈՔԱՐԿՄԱՆ ԽՈՐՀՐԴԻ
Ո Ր Ո Շ ՈՒ Մ
N 34/11

Քաղ. երեսան

25 հուլիսի 2011թ.

Հայաստանի Հանրապետության էկոնոմիկայի նախարարության մտավոր սեփականության գործակալության բողոքարկման խորհուրդը (այսուհետ՝ նաեւ բողոքարկման խորհուրդ) հետեւյալ կազմով՝ խորհրդի նախագահ Ա.Ֆ.Ազիզյան, անդամներ՝ Ա.Ս.Խաչիկյան, Ա.Ա.Տոնիկյան, Ա.Վ.Բաբայան, Ա.Գ.Շահինյան եւ իր 2011թ. հուլիսի 25-ի նիստում քննարկեց «Յունիոն» ՍՊԸ-ի կողմից 2011թ. հունիսի 20-ին «ՀԱՅԿՈԼԱ» ապրանքային նշանը 32-րդ դասի «գազավորված ջրեր, ոչ ալկոհոլային գազավորված ըմպելիքներ, զովացուցիչ ըմպելիքներ, մրգային գազավորված ըմպելիքներ, մրգային ըմպելիքներ, մրգահյութեր, օշարակներ» ապրանքների համար Հայաստանի Հանրապետությունում 2010թ. հունվարի 1-ի դրությամբ հանրահայտ ճանաչելու վերաբերյալ դիմումը:

Դիմումին կից ներկայացված են տեղեկություններ «HAY-COLA» ապրանքային նշանով արտադրված ապրանքների մասին, «Յունիոն» ՍՊԸ-ի մարքետինգային ծառայության հաշվետվությունը, «Յունիոն» ՍՊԸ-ի և «Պարադիզ» ՍՊԸ-ի միջև կնքված թվով 5 պայմանագրերի վերաբերյալ տեղեկանք «HAY-COLA» ապրանքային նշանի հեռուստագովազային ծառայությունների մատուցման մասին, տեղեկանք տրված «Նուշիկյան Ասոցիացիա» ՍՊԸ-ի կողմից մինչև 01.05.2011թ. գովազդային վահանակների համար «Յունիոն» ՍՊԸ-ի կատարված ծախսերի վերաբերյալ, ինչպես նաև տեղեկանք «HAY-COLA» ապրանքային նշանով մակնիշված ապրանքների արտահանման մասին:

Կոլեգիայի քննարկման արդյունքները ներկայացնելիս նշեց, որ «HAY-COLA» ապրանքային նշանով մակնիշված ապրանքների արտադրությունը «Յունիոն» ընկերության կողմից սկսվել է 1997 թվականից:

1997-2009թթ. ընթացքում «HAY-COLA» ապրանքային նշանով մակնիշված արտադրվել է մոտ 17 միլիոն շիշ զովացուցիչ ըմպելիք ավելի քան 3 միլիարդ դրամ արժեքով,

ընդ որում առաջին տասն տարիների ընթացքում արտադրությունը տասնապատկվել է: Նշվեց նաև, որ «HAY-COLA» բառային մաս պարունակող ապրանքային նշաններով մակնիշված ապրանքները սկսած 1996թ. լայնորեն գովազդվում են ինչպես հայկական հեռուստատալիքներով՝ Պրոմեթևս, Հ2, ՀայՏՎ, Դար21, այնպես էլ Ռուսաստանի Դաշնության ՌՏՌ, ՆՏՎ և ՄԻՌ հեռուստատալիքներով, ինչպես նաև 1996–2010թթ. ընթացքում «Յունիոն» ընկերությունը «HAY-COLA» ապրանքային նշանով մակնիշված ապրանքները քաղաքացիական կամ տնտեսական շրանառության մեջ մտցնելու համար կատարել է մի շարք գովազդային ծախսեր մոտ 1 մլրդ դրամի չափով: Նշվեց, որ «Յունիոն» ընկերությունը սկսած 1998թ. յուրաքանչյուր տարի իրականացնում է մարկեթինգային ուսումնասիրություններ, որոնց հիման վրա ճշգրտվում է ընկերության գովազդային քաղաքականությունը, արտադրանքի արտադրության քանակը և տեսականին:

«HAY-COLA» ապրանքային նշանով մակնիշված արտադրանքը սկսած 2000թ. մինչ օրս արտահանվում է ԱՄՆ և Կիպրոս, այս ընթացքում արտահանվել է 24 կոնտեյներ ավելի քան 60 միլիոն դրամի առժողովյալ, ինչն իրականացվել է «Յունիոն» ՍՊԸ-ի և «ECO WINE & SPIRITS INC.» ընկերության հետ կնքված՝ 10.11.1999թ., 20.09.2000թ. 13.06.2006թ պայմանագրերով.

Կոլեգիայի անդամը արձանագրեց, որ ներկայացված նյութերը համոզիչ են և հաստատում են «HAY-COLA» ապրանքային նշանի լայնածավալ օգտագործումը ՀՀ-ում և առաջարկեց դիմումը բավարարել մասնակիորեն և 2010թ. հունվարի 1-ի դրությամբ ՀՀ տարածքում հանրահայտ ճանաչել «HAY-COLA» համակցված ապրանքային նշանը ԱԾՄԴ 32-րդ դասի՝ «ոչ ալկոհոլային գազավորված ըմպելիքներ» ապրանքների համար:

Ներկայացված փաստարկները համոզիչ էին բողոքարկման խորհրդի համար, քանի որ հիշյալ ապրանքային նշանը օգտագործման արդյունքում լայն ճանաչում է ստացել Հայաստանի Հանրապետության տարածքում հասարակության լայն շրջանակների համար այն ապրանքների նկատմամբ, որոնց համար օգտագործվել է:

Ընդհանուր քննարկման արդյունքում, ղեկավարվելով «Ապրանքային և սպասարկման նշանների, ապրանքների ծագման տեղանունների մասին» ՀՀ օրենքի 29-րդ հոդվածով ինչպես նաև ՀՀ Էկոնոմիկայի նախարարության մտավոր սեփականության Բողոքարկման խորհուրդ բողոքների և դիմումների ներկայացման և քննարկման «Կարգի» 81-րդ կետի 1-ին

ենթակետով և «Ապրանքային նշանը Հայաստանի Հանրապետությունում հանրահայտ ճանաչելու մասին» կարգի դրույթներով

Ո Ր Ո Շ Ե Ց

Բավարարել «Յունիոն» ՍՊԸ-ի 2011թ. հունվարի 1-ի դիմումը եւ «HAY-COLA» բառային ապրանքային նշանը Հայաստանի Հանրապետությունում հանրահայտ ճանաչել 2010 թվականի հունվարի 1-ի դրությամբ ԱԾՄԴ 32-րդ դասի՝ «ոչ ավտոմոբիլային գազավորված ըմպելիքներ» ապրանքների համար:

1. Որոշման կայացման թվականը 25.07.2011
 2. Հանրահայտ ապրանքային նշանի 46 գրանցման համարը
 3. Հանրահայտ ապրանքային նշանի «HAY-COLA» անունը
 4. Թվականը, որից սկսված ապրանքային նշանը հանրահայտ է ճանաչվում ՀՀ-ում 2010
 5. Հանրահայտ ապրանքային նշանի «Յունիոն» ՍՊԸ իրավատիրոջ անվանումը եւ 0010 ք. Երևան, Սարյան 26/2 գտնվելու վայրը հասցեն
 6. Ապրանքների եւ ծառայությունների Միջազգային դասակարգման դասերին համապատասխան խմբավորված այն ապրանքների եւ ծառայությունների ցանկը, որոնց նկատմամբ ապրանքային նշանը ճանաչվել է հանրահայտ ըմպելիքներ» ապրանքների համար
- Բողոքարկման խորհրդի նախագահ

Ա.Ազիզյան